

# 300 sertai Fun Run UPM

**KUALA LUMPUR 5 Nov.** - Seramai 300 peserta menyertai Fun Run 5km Universiti Putra Malaysia (UPM) yang berlangsung di Taman Pertanian universiti itu, dekat sini hari ini.

Pengarah Taman Pertanian UPM, Prof. Dr. Japar Sidik Bujang berkata, acara itu diadakan dengan kerjasama Utusan Melayu (M) Berhad sempena Ekspo Pertanian dan Pesta Konvokesyen UPM Ke-41.

“Kerjasama antara UPM dan Utusan telah bermula sejak tiga tahun lepas,” ujarnya ketika ditemui *Utusan Malaysia* di sini hari ini.

Antara yang dipertandingkan ialah kategori lelaki dan wanita terbuka, lelaki dan wanita veteran serta lelaki dan wanita remaja.

Dalam pada itu, peserta muda, S. Uaishenavi, 11, berjaya merangkul tempat ketiga dalam kategori wanita remaja.

Menurut murid Sekolah Jenis



Kebangsaan (Tamil) Pulau Carey Selatan itu, walaupun terpaksa bersaing dengan mereka yang berusia sehingga 17 tahun, ia bukan alasan untuk tidak memberi tentangan.

Sementara itu, hadiah wang tunai RM1,000 menjadi milik empat sahabat yang menggelarkan diri mereka sebagai ‘GKL’, selepas muncul juara Cabaran Mini Explorace.

Ketua kumpulannya, Zarul Azuan berkata, mereka perlu melakukan 10 tugas yang nampak mudah namun mumpu-


nyai cabaran yang tersendiri.

“Laluan pertandingan adalah sepanjang 5 kilometer dan menjadi sedikit sukar berikutan cuaca hujan.

“Namun atas kerjasama yang padu oleh setiap ahli pasukan, GKL berjaya menamatkan perlumbaan dengan catatan masa 46 minit 10 saat dan kita berjaya mempertahankan kemenangan tahun lalu,” ujarnya.

Acara pelepasan peserta dan sesi penyampaian hadiah disempurnakan oleh Penolong Ketua Pengarang Kumpulan Utusan Melayu (M) Berhad, Datuk Mohd. Hassan Mohd. Noor.

Sementara itu, para graduan, keluarga dan rakan-rakan boleh merakamkan foto kenangan terindah bersama jurufoto profesional dengan pakej harga yang menarik di Panggung Percubaan UPM dan lot gerai foto UPM Holdings yang terletak di luar Dewan Besar universiti itu.



**MOHD. HASSAN MOHD. NOOR** (belakang, enam dari kanan) dan **Japar Sidik Bujang** (tengah) bersama para pemenang larian Fun Run sempena Pesta Konvokesyen UPM Ke-41 di Tapak Ekspo UPM, Serdang, dekat Kuala Lumpur, semalam. - UTUSAN/FAIRUZ IZYANA AYUB